

Endel Kock di Fundacion Guia Mi

"Nos por yuda trece un cambio den un mucha su bida"

Instancianan cu ta traha pa yuda nos muchanan merece mucho mas cu un atencion, nan merece aprecio y admiracion pa nan trabao duro y dificil cu nan tin cu carga cune tur dia.

Endel Kock ta un di e personanan cu tambe ta dedica curpa y alma na yuda muchanan recupera nan alegria y lubida pesadianan y temor. Endel e luna aki ta un di nos invitadonan cu ta conta nos di Fundacion Guia Mi, masha poco di nos sa kico realmente e fundacion aki ta tene su mes bezig cune.

PR: E number completo ?

RS: "Endel Emerson Kock"

PR: Di cual barrio abo ta bini ?

RS: "Di Sta. Cruz"

PR: Cualnan ta e schoolnan cu bo a bishita ?

RS: "Mi'a bay Trupial kleuterschool, colegio San Hose, Colegio San Antonio Mavo, Colegio Arubano, IPA (2 aña), Hoge school Rotterdam na Hulanda unda ma haña mi Bachelor in Social Work".

PR: Con ta nos un tiki di bo trabao ?

RS: "Mi trabao ta ora cu un menor di edad ta wordo descuida, esaki por ta negligencia, maltrato fisico of mental, abusa sexual, etc. Juez por pone e menor bou di supervision, cual ta jama na Hulandes



OnderToezichtStelling. Esaki ta encera cu juez por dicidi cu e menor mester bay biba un otro caminda. Den e casonan aki juez ta nombra un Tutor di famia (gezinsvoogd) kende lo bay guia e menor y su mayornan. Un trahador Social di Fundacion Guia Mi por wordo nombra como Tutor di famia (gezinsvoogd). Esaki ta duro pa un periodo di 1 aña pero por wordo prolonga cada bes mas y ta jega na e maximo ora e mucha bira mayor di edad (18).

Tambe Fundacion Guia Mi ta e instancia cu por bira Tutor (voogd) di un menor. Juez por dicta cu e Fundacion ta bira voogd na e momento cu e mucha menor di edad haya yui, e voogd di e menor fayece of un voogd di e menor pa un motibo of otro no por fungi como voogd mas".

PR: Bo funcion exacto na Fundacion Guia mi ?

RS: "Como trahador social na Fundacion Guia Mi, mi tarea ta pa



Tin hopi menor nan cu no tin of no ta ricibi un cuido “apropia” unda nan por desaroya nan mes optimal y mi ta contento cu mi tin e oportunidad di juda nan”.

guia y conseha e mucha di menor di edad y su mayornan of famia di criansa na un manera intensivo (maximo 35 mucha). E guia intensivo ta ensera bishita nan na cas di e mayornan of famia nan di criansa, conversacion nan cu e menor y nos tin contacto cu e internado nan, schoolnan, etc. E guia mester trece claridad y solucion pa e problema dicon e mucha ta bou di supervision pa e menor por bay bek cas serca su mayornan, anto si esey no por, nos ta busca un otro perspectiva pa e mucha, por ehempel e bay biba na un famia di criansa”.

PR: Con bo a haya e trabao aki ?

RS: “E ta un trabao cu den comunidad bo no ta tende hopi di dje, pero como un persona cu ta juda mucha nan den dificultad y cada biaha bo wak un progreso bo ta sinti cu bo ta logra algo grandi pa un mucha/famia. Tin hopi menor nan cu no tin of no ta ricibi un

cuido “apropia” unda nan por desaroya nan mes optimal y mi ta contento cu mi tin e oportunidad di juda nan”

PR: Bo ta gusta loke cu bo ta haci ?

RS: “Mi ta gusta masha hopi mes, como un Arubiano cu a finalisa su estudio den e ramo social y pa hanja e oportunidad di juda muchanan den dificultad na Aruba ta algo cu ta duna bo mas motivacion pa sigi traha pa juda e muchanan aki por tin un juventud sin hopi problema”

PR: Bo famia ta apoya bo den bo trabao ?

RS: “Sigur cu si, vooral pa mi mama wak cu ami y mi ruman ta traha den e sector social ta pone un smile grandi riba su cara”

PR: Kico bo ta gusta mas di bo trabao y kico menos ?

RS: “Loke mi gusta mas ta cu mi por juda trece un cambio den un mucha su bida y mi coleganan na Fundacion Guia Mi.

Loke mi gusta menos no ta den e trabao mes, pero cu no tin hopi hende homber cu ta hasi e trabao aki y Aruba mester toch di mas hende homber den e parti Social”.

PR: Kico bo ta haci den bo oranan liber ?

RS: “Den ora nan liber ta bay shop cu mi casa, cushina, download canticanan pa mi tende, wak deporte na television y programma manera miami’s Ink, Overhauling y Gilmour Girls”.

PR: Bo ta den un deporte of otro ?

RS: “Mi ta hunga baseball, y mi gusta basketball pero pa motibo di un lesion mi no por hunga mas”.

PR: Con abo ta mira 2006 pa bo mes ?

RS: “Den 2006 lo ta bay ta diferente pami, paso aña 2005 tabata tin asina hopi cambio den mi bida, mi ta djies pidi papa Dios pa tur cos bay bon pa ami y mi casa y tambe mi famia.